



Synfocity = 1025

mail us at : mzsynfo@gmail.com; mizoramsynod@gmail.com - Phone - 2314648

March 19, 2026

❑ **Auditors' meet 2026**

March 17, 2026 (Thawhlehi) khan Synod Finance Department buatsaihin Auditors' Meet, Synod Committee Room-I-ah neih a ni. Meet hi Rev. Dr. K. Lallawmzuala, Finance Officer-in a kaihrui a, inhmelhriattirna Upa F. Lalhmangaiha, Finance Manager-in hmangin Auditor te tana ùl leh pawimawh hrang hrang a sawi a. Pu Zaihmingthanga Fanai, Accountant, Synod Office-in Audit hna kalpui dan tur leh kalhmang hrang hrangte inhrilh tharna hun a hmang a. Audit Team insiam dan leh inruat dan te a sawifiah zui bawk.

Upa Kailianmanga, Income Tax Consultant-in Audit kaihhnawiha Income Tax chungchang hriat tur ùl hrang hrang leh Income Tax chungchanga fimkhurna tur thu pawimawh tak tak a sawi a, kalkhawmte aṭangin zawhna leh chhanna leh thil pawimawh hrang hrang sawi hona hun hman zui a ni. He hunah hian Synod Auditor atana ruat mi 20 zingah mi 16 an kal thei a ni.

❑ **Jordan Centre, Seṭhawn Mizoram Synod kuta hlanna tur inremna ziah a ni**

March 18, 2026 (Nilaini) chawhnu dar 3 khan Pi Lalrinpuui, Minister, Social Welfare, Women & Child Development Department hovin a pisaah Jordan Centre, Seṭhawn Mizoram Synod kuta hlanna tur inremna (Memorandum of Agreement) chu ziah fel a ni a. He inremnaah hian Commissioner & Secretary, Social Welfare, Women & Child Development Pi Lalzarmawii, IAS leh Rev. John Raldosanga, Moderator, Mizoram Synod ten hming an ziah a, hriatpuituah Sorkar lam aṭangin Pi Zonunthari, Joint Secretary, SW&WCD leh Pi Caroline Hmingthanzuali, Joint Director, Social Welfare ten hming an ziah a, Mizoram Synod lamah Rev. V.L. Luaia Hranleh, Senior Executive Secretary leh Rev. Dr. K. Lallawmzuala, Executive Secretary ten hming an ziah bawk.

He inremna ang hi chuan Jordan Centre hi Mizoram Synod enkawl turin kum 15 atan hlan a ni phawt ang a. Kum tin Sorkarin ṭanpuina (Grants-in-Aid) nuai 50 a pe ang a, kum 2 danah 5% a tihpun ṭhin tur a ni dawn a ni. He hmunhma hi ruihhlo avanga harsatna tuarte tan De-Addiction emaw After Care anga kalpui tur a ni dawn a ni.

❑ **Synod Bookroom Software thar tlangzarh a ni**

March 19, 2026 (Ningani) khan Synod Bookroom Software thar, Barcode scan theiha siam chu Rev. Dr. K. Lallawmzuala, Executive Secretary i/c PRESCOM-in Pathian hnenah a hlan.

Programme hi Upa Lalmuanpuia, Coordinator-in a kaihrui a, Software siamtu Siruk Consultancy aiawhin Pu Sunday Lalbiaknia, CEO-in thu tawi a sawi a, hemi zawhah hian Software tlangzarhna leh Pathian hnenah hlanna neih a ni. Hlanna hunah hian Headquarters Showroom leh Synod Bookroom Branch 15 (khawpui chhung leh khawpui pawn) aṭangin incharge te an kal a. Software hman dan training neih zui nghal a ni.

Software thar, Barcode scan theih hi April 2026 aṭanga hman ṭan tur a ni.

❑ **Evangelist tirthchhuah inkhawm neih a ni**

March 15, 2026 (Pathianni) Chawhnu khan Upper Republic Kohhran Biak Inah Masihi Sangati Kendra hnuai thawk tur Evangelist 8 (Pariat) Tirthchhuahna hun hman a ni. Evangelist tirthchhuah Inkhawm hi Rev. R. Lalrinsanga, Director MSK-in a kaihrui a, Pu Albert Lalhmangaiha, Coordinator SMB-in inhmelhriattirna a nei a, Rev. R. Lalhmingsanga, Secretary SMB-in Tirthchhuahna neiin thuchah a sawi a, Upa Lalhmuchhuaka, BEC Member-in ṭawngṭaisakna a nei a, tirthchhuahte aiawhin Gideon Laldinpuia'n thu a sawi. He hunah hian Aizawl East Area Choir leh Synod Mission Choir-te an zai bawk.

Evangelist tirthchhuah Inkhawmah hian Masihi Sangati Working Committee-te, SMB Office leh MSK Office thawktute, Masihi Sangati Evangelist-te, Tirthchhuahte ṭawiawmute leh Upper Republic Kohhran mi ṭahnem tak an inkhawm a ni.

Masihi Sangati Evangelist tharte hian kar hnih chhung Pre-Service Orientation an nei tawh a, April 9, 2026 hian an thawhna hmun tur an thleng ang.

☐ **Worship**

March 14, 2026 (Inrinni) khan Music Training neihpuiin trainer-te hetiang hian an chhuak:
 Khatla North Kohhran Pu H. Lalrinmawia leh Pu R. Lalrinfela
 Nisapui Kohhran Tv. H. Lal̄hazuala leh Pu R. Lalrorelkima

☐ **Trust**

◆ March 17, 2026 (Thawhlejni) khan Tualcheng Pastor Quarters sak mek en puiin Pu Lalramenga Royte, JE a kal.
 ◆ March 23-24, 2026 chung hian Lungleiah Synod House sak mek en pui leh Chanmari Pastor Quarters sak mek en pui turin Upa Thanglian khuma, AE, Pu Lalhriatrenga, JE leh Pu Kros Nuntluanga, JE te an kal ang.

☐ **MSSU**

◆ March 19, 2026 (Ningani) hian Tuikual South Kohhranah Sunday School Zirtirtu Training neihpui turin Trainer-te Upa H. Lalnginglova leh Upa C. Lalbiaksanga te an kal ang.
 ◆ March 21, 2026 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:
 Durtlang West Branch Church Upa B. Lalhmunliana leh Upa Zionparlawma
 Champhai Electric Veng Kohhran Upa Hrilthansanga leh Upa R. Vanlalhruaia
 Champhai Vengthar Kohhran Upa K. Zoremsanga leh Upa Lalrinmawia Ralte
 Hyderabad Mizo Church Upa Zohmangaiha leh Upa H. Lalnginglova
 Tuithiang Kohhran Upa K. Vanlalngbaka, Upa H. Lalremruata leh
 Upa Lalsiammawia Pachuau

☐ **Kohhran Hmeichhia**

March 18, 2026 (Nilaini) khan International Women's Day 2026 chu Dawrpui Multipurpose Centre-ah a lawmna neih a ni a, hemi hunah hian Kohhran Hmeichhe aiawhin Central Kohhran Hmeichhe Hruaitute - Pi K. Vanlalrawni, Chairman, Pi Vanlalthlamuani, Vice Chairman leh Pi Vanlalnunsiami, Committee Member te an kal.

☐ **Social Front**

March 22, 2026 (Pathianni) hian Ramthar North Kohhranah HIV leh Ruihhlo do chungchang Awareness Campaign nei turin Upa Dr. Thanchungnunga, campaigner a kal ang.

☐ **Mizoram Christian College (MCC)**

◆ March 12, 2026 (Ningani) khan Management zirlaite chuan Industrial Visit neiin tissue paper siamna hmunpui Lusei Tissue, Lengpui an tlawh a, paper an sawngbawl dan leh siam chhuah dan te a hmunah an en a ni.
 ◆ March 12, 2026 (Ningani) khan Mizoram Christian College chuan Chapchar Kût pualin Cultural Day an hmang a. He mi ni hian zirlai leh zirtirtu zawng zawngte Mizo hnam thuamin an inthum a, class room-ah zonun ze mawi inhrilha infuih tharna hun hman a ni. Zirlai zing aṅangin Mizo hnam thuama inthum mawi ber (Best Cultural Attire) mipa leh hmeichhia thlan a ni a, mipaah Lalngaihawma, 4th Semester, Department of Mizo chu thlan a ni a, hmeichhiaah Lalchhandami Sailo, 6th Semester, Department of English chu thlan a ni bawk.
 ◆ March 14, 2026 (Inrinni) khan Irrigation & Water Resources Department, Govt. of Mizoramin an buatsaih '29th International Day of Action for Rivers Painting and Poetry Writing Competition'-ah Mizoram Christian College aṅanga tel Vanlalawmpuia, 6th Semester, Department of English chuan lawmman pathumna a dawng a; R. Lalfakzuala, 4th Semester, Department of Public Administration chuan Consolation Prize a dawng bawk.
 ◆ March 16, 2026 (Thawhtanni) khan MCC IQAC leh Internal Complaint Committee on Sexual Harassment te buatsaihin 'Legal Awareness' neih a ni a, Dr. K. Remruatfela, Advocate, Gauhati High Court, Aizawl Bench chu Speaker a ni. Speaker hian mi malin dikna leh chanvo kan neih dan te, mi malin dân anga mawhphurhna kan neih hrang hrang te, Dân leh Bible a inzawm dan te a sawi a ni.

☐ **Chakma Convention wawi 15-na neih a ni**

March 13-15, 2026 chhung khan Tuichawng Mission Compound, Home Mission South-ah Chakma Convention wawi 15-na neih a ni. Convention thupui 'Khawvel mamawh Isua' tih a ni a, Rev. Sujindro Chakma i/c Chawngte 'P' chu Speaker a ni. Convention-ah hian riak lut mi 460 vel an awm a, inkhawma mi tam ber tum hian mi 630 vel nia hriat a ni bawk. Tuichawng khua mai bakah a chhehvel Chakma khaw hrang hrang aţangin Kristian leh Kristian lo te pawhin Convention hi an chhim a, Pathian thu pawh an dawng ţha hle a ni.

Convention chhung hian Missionary leh Masihi Sangati Evangelist-ten ring lo te pual bikin Counselling Class an nei ţhin a, belhtu thar panga an awm a ni.

Inkhawm ban hun remchangah Fellowship leh Variety Programme-a hun hman ţhin a ni a, Kohhran leh Branch Church tin te aţangin Special items chi hrang hrang an nei ţhin a ni. Chhim Area-ah hian Pastor Bial 23 a awm a, chung bial 23 zinga bial 5 vel chu Chakma leh Bru awmna a ni a, School te, Dispensary te, Craft Centre te awmin Evangelist-ten hma an la mek a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Thenzawl Kanan Veng	Damlo	2	₹ 20,000/-
2.	Gurguti Salka	Damlo	2	₹ 20,000/-
3.	Sihphir Vengthar	Damlo	1	₹ 10,000/-
5.	Serchhip Chhimveng	Damlo	1	₹ 10,000/-
4.	Ratu Chhim Veng	In chhia	1	₹ 5,000/-
			Belh khawm	₹ 65,000/-

☐ **Hruaina Eng TV Programme**

- 19.3.2026 (Ningani) 08:30 pm : Thupui zir bing
- 20.3.2026 (Zirtawpni) 05:00 pm : Kristian Naupang Pual
- 21.3.2026 (Inrinni) 05:30 pm : Puitling Sunday School Zirlai
- 22.3.2026 (Pathianni) 07:00 am : Sermon - Upa Dr. Lalrinmawia
- 24.3.2026 (Thawhlehi) 06:00 pm : Nilai zan thupui
- 08:30 pm : Kohhran Chanchin - Bethlehem Kohhran

☐ **FM Zoawi - Aizawl & Lunglei : Hruaina Eng Radio Programme**

March 20, 2026 (Zirtawpni) @ 7:30 p.m. :

- Solo : Cindy Lalthanpuui - Ka famkim lohna ti famkimtu
- Zaipawl : Mizoram Synod Choir - Ka enna
- Thusawi : Upa Dr. R. Malsawma - Rawngbawltu mawhphurhna
- Solo : Zorema Khiangte - Babulon lui kam
- Zaipawl : ITI Veng Bial Zaipawl - Hmangaih vang maw

☐ **Moderator leh Executive Secretary-te Programme :**

Rev. John Raldosanga, Moderator Programme:.

- March 20, 2026 Buarpu Biak In hawn
- March 21, 2026 Thenzawl Dinthar Kohhran Golden Jubilee lawmna hmanpui
- March 22, 2026 Thenzawl Bial
- March 24, 2026 Social Front Executive Committee
- March 26, 2026 Zokhawthar Biak in hawn
- March 27-29, 2026 Ratu Bial

Rev. V.L. Luaia Hranleh, Senior Executive Secretary Programme:

- March 24, 2026 Revival Committee
- March 25, 2026 Missionary Orientation Training kharna hmanpui
- March 27, 2026 ATC Valedictory Service

Rev. Dr. K. Lallawmzuala, Executive Secretary Programme:

March 20-23, 2026	Chhim Bial Seminar
March 24, 2026	Tourism chungchangah Minister leh Sawrkar hotute nen inkhawm hona
March 25, 2026	PRESCOM Executive Committee leh CCM Working Committee
March 26, 2026	Income Tax Sub-committee
March 27, 2026	Central Kohhran Hmeichhe Committee

Rev. Dr. Rosiamliana Tochwawng, Executive Secretary Programme:

March 20, 2026	Ramthar Hostel-a awm tur interview board
March 21-22, 2026	Ramthar Campaign - Aizawl Kohhran
March 23, 2026	Lengpui Branch KTP inkhawm (Zan)

PATHIAN THU ZIR DUH TAN

Presbyterian Bible School, Mission Vengah Certificate in Theology (C.Th.) zir tur lak a ni leh dawn a, dil duh tana hriat turte:

Admission Form	:	Office hun chhungin ` 10/- a lei theih a ni
Dil hun chhung	:	March 2, 2026 - April 21, 2026, tlai dar 3:00 thleng
Dil thei chin	:	Class VII pass, kum 16 chin, Kohhran dan chhunga awm
Interview	:	April 28, 2026 (Thawhlejni) chawhma dar 10:00 @ PBS Lecture Hall
Class tan hun	:	May 6, 2026 (Nilaini)
Zir hun chhung	:	May - August, 2026

Zir hun chhungin zirlaite hnenah thla tin Stipend pek an ni ang.

Hrechiang duh tan Phone No. 9612163042 / 8794157618-ah zawhfiah theih a ni. Hostel a awm lo va, zir turte chu awmna tur inngaihven mai tura ngaih an ni.

Sd/-

Rev. C. Lalduhawma
Principal
Presbyterian Bible School

